0.0.1 āsavasuttam

- 0. sāvatthinidānam
- 1. chahi bhikkhave dhammehi samannāgato bhikkhu āhuneyyo hoti pāhuneyyo dakkhiņeyyo añjalikaraņīyo anuttaram puññakkhettam lokassa. katamehi chahī?
- 2. idha bhikkhave bhikkhūno ye āsavā saṃvarā pahātabbā, te āsavā saṃvarena pahīnā honti. ye āsavā paṭisevanā pahātabbā, te āsavā paṭisevanāya pahīnā honti. ye āsavā adhivāsanā pahātabbā, te āsavā adhivāsanāya pahīnā honti. ye āsavā parivajjanā pahātabbā, te āsavā parivajjanāya pahīnā honti. ye āsavā vinodanā pahātabbā, te āsavā vinodanāya pahīnā honti. ye āsavā bhāvanā pahātabbā, te āsavā bhāvanāya pahīnā honti.
- 3. katame ca bhikkhave āsavā saṃvarā pahātabbā ye saṃvarena pahīnā honti? idha bhikkhave bhikkhū paṭisaṅkhā yoniso cakkhūndriya saṃvara saṃvuto viharati. yaṃ hissa bhikkhave cakkhūndriya saṃvaraṃ asaṃvutassa viharato uppajjeyyuṃ āsavā vighātapariļābhā, cakkhūndriyasaṃvara saṃvutassa¹ viharato evamsa te āsavā vighātaparilāhā na honti.
- **4.** paṭisaṅkhā yoniso sotindriya saṃvara saṃvuto viharati. yaṃ hissa bhikkhave sotindriya saṃvaraṃ asaṃ-

¹cakkhundriya saṃvaraṃ - machasaṃ.

vutassa viharato uppajjeyyum āsavā vighātapariļāhā sotindriya samvara samvutassa viharato evamsa te āsavā vighātapariļāhā na honti.

- 5. paţisaṅkā yoniso ghānindriya saṃvara saṃvuto viharati, yaṃ hissa bhikkhave ghānindriya saṃvaraṃ asaṃvutassa viharato uppajjeyyuṃ āsavā vighātapariļāhā, ghānindriya saṃvara saṃvutassa viharato evaṃsa te āsavā vighātapariļāhā na honti.
- 6. paţisaṅkā yoniso jivhindriya saṃvara saṃvuto viharati. yaṃ hissa bhikkhave jivhindriya saṃvaraṃ asaṃvutassa viharato uppajjeyyuṃ āsavā vighātapariļāhā, jivhindriya saṃvara saṃvutassa viharato evaṃsa te āsavā vighātapariļāhā na honti.
- 7. paţisaṅkhā yoniso kāyindriya saṃvara saṃvuto viharati. yaṃ hissa bhikkhave kāyindriya saṃvara asaṃvutassa viharato uppajjeyyuṃ āsavā vighātapariļāhā, kāyindriya saṃvara saṃvutassa viharato evaṃsa te āsavā vighātapariļāhā na honti.
- 8. paṭisaṅkhā yoniso maninadriya saṃvara saṃvuto viharati. yaṃ bhissa bhikkhave manindriya saṃvarasaṃvutassa viharato uppajjeyyuṃ āsavā vighātapariļāhā, manindriya saṃvara saṃvutassa viharato evaṃsa te āsavā vighātapariļāhā na honti.

- 9. yam hissa bhikkhave samvaram asamvutassa viharato uppajjeyyum āsavā vighātapariļāhā, samvaram samvutassa viharato evamsa te āsavā vighātapariļāhā na honti. ime vuccanti bhikkhave āsavā samvarā pahātabbā yesamvarena pahīnā honti.
- 10. katame ca bhikkhave āsavā paṭisevanā pahātabbā ye paṭisevanāya pahīnā honti? idha bhikkhave bhikkhū paṭisaṅkhā yoniso cīvaraṃ paṭisevati: yāvadeva sītassa paṭighātāya, uṇhassa paṭighātāya, ḍaṃsamakasavātātapasiriṃsapasamphassānaṃ² paṭighātāya, yāvadeva hirikopina paṭicchādanatthaṃ
- 11. paţisaṅkhā yoniso piṇḍapātaṃ paţisevati: neva davāya, na madāya, na maṇḍanāya, na vibhūsanāya, yāvadeva imassa kāyassa ṭhitiyā yāpanāya vihiṃsūparatiyā, brahmacariyānuggahāya. iti pūrāṇañca vedanaṃ paţihaṅkhāmi, navañca vedanaṃ na uppādessāmi. yātrāva me bhavissati anavajjatā ca phāsuvihāro cāti.
- 12. paţisaṅkā yoniso senāsanaṃ paţisevati: yāvadeva sītassa paţighātāya, uṇhassa paţighātāya, ḍaṃsamakasavātātapasiriṃsapasamphassānaṃ paţighātāya, yāvadeva utuparissaya vinodanaṃ paţisallānārāmatthaṃ
- **13.** paṭisaṅkhā yoniso gilānapaccayabhesajjaparikkhāraṃ paṭisevati: yāvadeva uppannānaṃ veyyābādhikā-

²sarisapasamphassānam - machasam.

nam vedanānam paţighātāya, abyāpajjhaparamatāyāti.

- **14.** yam hissa bhikkhave appaţisevato³ uppajjeyyum āsavā vighāta pariļāhā, paţisevato⁴ evamsa te āsavā vighātapariļāhā na honti. ime vuccanti bhikkhave āsavā paţisevanā pahātabbā ye paţisevanāya pahīnā honti.
- 15. katame ca bhikkhave āsavā adhivāsanā pahātabbā ye adhivāsanā pavinā honti: idha bhikkhave bhikkhu paṭisaṅkhā yoniso khamo hoti sītassa uṇhassa jighacchāya pipāsāya ḍaṃsamakasavātātapasiriṃsapasamphassānaṃ, duruttānaṃ durāgatānaṃ vacanapathānaṃ, uppannānaṃ sārīrikānaṃ vedanā naṃ dukkhānaṃ tippānaṃ⁵ kharānaṃ kaṭukānaṃ asātānaṃ amanāpānaṃ, pāṇaharānaṃ adhivāsakajātiko hoti. yaṃ hissa bhikkhave anadhivāsayato. uppajjeyyuṃ āsavā vighātapariļāhā, adhivāsayato⁶ evaṃsa te āsavā vighātapariļāhā na honti. ime vuccanti bhikkhave āsavā adhivāsanā pahātabbā ye adhivāsanāya⁷ pahīnā honti.
- 16. katame ca bhikkhave āsavā parivajjanā pahātabbā ye parivajjanāya pahīnā honti: idha bhikkhave bhikkhū paṭisaṅkhā yoniso caṇḍaṃ hatthiṃ parivajjeti. caṇḍaṃ assaṃ parivajjeti. caṇḍaṃ goṇaṃ parivajjeti. caṇḍaṃ kukkuraṃ parivajjeti ahiṃ khāṇuṃ kaṇṭakādhā-

⁴pațisevayato - sīmu.

³apațisevayato - sīmu.

⁵tibbānam - machasam.

 $^{^6}$ adhivāsato - machasam.

⁷adhiyāsanā - machasam.

nam⁸ sobbham papātam candanikam oligallam. yathārūpe anāsane nisinnam, yathārūpe agocare carantam, yathārūpe pāpake mitte bhajantam, viññū sabrahmacārī pāpakesu ṭhānesu okappeyyum, so tam ceva anāsanam tam ca⁹ agocaram te ca pāpake mitte paṭisankhā yoniso parivajjeti. yam hissa bhikkhave aparivajjayato uppajjayato uppajjeyyum āsavā vighātapariļāhā, parivajjayato evamsa te āsavā vighātapariļāhā na honti. ime vuccanti bhikkhave āsavā parivajjanā pahātabba, ye parivajjanāya pahīnā honti.

- 17. katame ca bhikkhave āsavā vinodanā pahātabbā ye vinodanāya pahīṇā honti. idha bhikkhave bhikkhū paṭisaṅkhā yoniso uppannaṃ kāmavitakkaṃ, nādhivāseti, pajahati vinodeti byantikaroti anabhāvaṃ gameti.
- **18.** paṭisaṅkhā yoniso uppannaṃ byāpādavitakkaṃ nādhivāseti, pajahati vinodeti byāntikaroti anabhāvaṃ gameti.
- **19.** paṭisaṅkhā yoniso uppannaṃ vihiṃsāvikkaṃ, nādhivāseti, pajahati vinodeti byāntikaroti anabhāvaṃ gameti
- **20.** paṭisaṅkhā yoniso uppannuppanne pāpake akusale dhamme nādhivāseti pajahati vinodeti, byantika-

⁸naṇṭakaṭṭhānaṃ - machasaṃ.

⁹sotamca anāsanam - machasam.

roti, anabhāvam gameti. yam hissa bhikkhave avinodayato uppajjeyyum āsavā vighātapariļāhā vinodayato evamsa te āsavā vighātapariļāhā na honti. ime vuccanti bhikkhave āsavā vinodanā pahātabbā ye vinodanāya pahīnā vonti.

- 21. katame ca bhikkhave āsavā bhāvanāya pahātabbā ye bāvanāya pahīṇā honti: idha bhikkhave bhikkhū paṭisaṅkhā yoniso satisambojjhaṅghaṃ bhāveti vive-kanissitaṃ virāganissitaṃ nirodhanissitaṃ vossagga-parināmiṃ.
- **22.** paṭisaṅkhā yoniso sammavicayasambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.
- **23.** paṭisaṅkhā yoniso vīriyasambojjhāṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.
- **24.** paṭisaṅkhā yoniso pītisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossag-gaparināmim.
- **25.** paṭisaṅkhā yoniso passaddhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossagaparināmim.

- **26.** paţisaṅkhā yoniso samādhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.
- **27.** paṭisaṅkhā yoniso upekkhāsambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.
- 28. yam hissa bhikkhave abhāvayato uppajjeyyum āsavā vighātapariļāhā bhāvayato evamsa te āsavā vighātaparisāhā na honti. ime vuccanti bhikkhave āsavā bhāvanā pahātabbā ye bhāvanāya pahīnā honti.
- **29.** imehi kho bhikkhave chahi dhammehi samannāgato bhikkhu āhuneyyo hoti pāhuneyyo dakkhiņeyyo añjalikaranīyo anuttaram puññakkhettam lokassāti.